



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Practica Theologiae Mysticae**

**Gelen, Victor**

**Coloniae Agrippinae, 1652**

Et Secvndo. De Iis Qvae Fivnt In Medio vnionis per eleuationem & actiuitatem proprij Spiritus. Paraphrasis Septima.

**urn:nbn:de:hbz:466:1-9766**

ET SECUND

DE IIS QVÆ FIVNT IN MEDIO  
VNIONIS,PER ELEVATIONEM ET ACTIVITATEM  
PROPRII SPIRITVS.

## PARAPHRASIS SEPTIMA.

**E**T (ossa) spiritum non habebant: & a dixit ad me, vaticinare ad spiritum, vaticinare sibi hominis, & dices ad spiritum: hec dicit Dominus Deus. à quatuor ventis veni spiritus, & insuffla super imperfectos istos, & reuiuiscant. ac si diceret, sicut res ardua est spiritum remittere, et iam in formatum corpus, ut iterum vitali motu, viuat, sentiatque, ut vel ideo etiam bis ad spiritum vaticinare iubeatur; quoniam solius Dei est potentia spiritum corpori vnire, & vitali operationi de novo restituere. pari modo virtutis diuinæ esse videtur, ut spiritus antea in statu priuationis totus arefactus, de novo secundum vitalem Dei gustum reuiuiscat; & sibi proprijs operationibus mouetur, eleuetur, ac illustretur; conformiter ad ea quæ in medio status vnionis contingunt, prout ex sequentibus constabit, &

- I. Quod propria operatio quamdiu in medio status vnionis versatur, sit ruclus mysticæ exercitatio.
- II. Dum mysticus lumine diuino perfunditur, animum concipit noui, & supernaturæ modi operandi.
- III. Quantò amplius mysticus ascendit, tanto facilius adiuuitatem proprij spiritus.
- IV. Instantanea operatio spiritus actuatur ex vario luminoso visu.
- V. Fruitio vitaliter afficiens semper magis eleuatur usque ad spiritum Diuinum.

Dd 2

ARTI-

<sup>a</sup> Exech. 37.

## ARTICVLVS PRIMVS.

*Quod propria operatio quamdiu in medio  
status vnionis versatur, sit ructus my-  
stici exercitatio.*

**E**ructauit a cor meum verbum, ac si di-  
ceret; ô pia anima, ex ipsa essentia  
tua, quæ locus est gratiæ, & vitæ æter-  
næ, per prius in voluntatem diuinæ  
quædam bene-afficientiæ scaturiunt,  
& per suam eructationem intellectui  
obijciuntur, vt deinceps per operationes  
intellectuales, quasi in spiritualem sub-  
tilitatem evaporent.<sup>a</sup> Vnde etiam [ru-  
ctus est occultus quidam fatus, qui ex  
feruore alimenti erumpentibus bullis  
exhalat] huiuscmodi porrò verbum  
utique bonum est; cum sit primi Boni,  
seu ipsius diuinæ naturæ communio;  
& ipsam voluntatem, seu partem affe-  
ctionis adhuc ponderosam, & à mo-  
lestijs toleratis, quasi madentem, exsic-  
cet, allevietque per eructationem er-  
gò cordis hic accipienda est vita æter-  
na, prout mediante gratia modi ope-  
randi supernaturaliter, se manifestare  
incipit: non quidem per modum fundi,  
ita vt intuitus, & reflexio, aut habi-  
tatio, vel initium communionis diuinæ  
ex corde sumatur, vt in initio status  
vnionis siebat; sed multò intimius, &  
per modum cuiusdam esse, habere, &  
sentire, in occultissimo suæ interiorita-  
tis ante formales intellectus, & volun-  
tatis operationes; ac vt in intimo vo-

luntatis suum in Deo benè-affici, esse,  
& ex stere nouit, ac sentit. & hic est  
modus nouus, quæsupernaturalis dicitur,  
& essentialis: eo quod eius foemen-  
tum, & radix, id est, gratia in ipsa ani-  
mæ essentia habitans, potentiam vo-  
luntatis per prius seu donum sapientiæ  
bene-afficiat; vt deinde pro exercitio  
actus ad perfectionem doni intellectus  
supernaturalis, vitalis species divini  
amoris fabricari possit, ad fruitionem  
actualem incipiendam, continuandam,  
ac perficiendam.

Eo ergò tempore quo mysticus in  
medio status vnionis versatur, conti-  
nuò ex ipsa sua intimitate quædam  
verba eructat, non quidem adhuc per-  
fecta, & articulatè cognita; sed im-  
perfecta, quæ tamen complacentiam  
de Deo ad gratiam notitiam porti-  
gant: cum eo etiam, vt quanto ma-  
gis ad superiora eleuatur, tantò capa-  
cior reddatur ad visus, & dictiones  
particulares suæ vitalis in Deo benè  
affidentiæ; circa finem elevationis,  
& actiuitatis proprij spiritus, clare  
videns totum suum inferiorem ho-  
minem sub se, spiritum autem diuinum  
supra se situari, spiritu pro-  
prio locum medium tenente. hinc  
etiam quanto magis ad proprij spi-  
ritus actiuitatem, & subtilitatem com-  
muniones diuinæ naturæ per prius,  
id est, per gratiam ex ipsa animæ es-  
sentia in voluntatem diffluentes, ele-  
uantur; tantò & facilius, & pe-  
nitius soleitas spiritus, & sentitur,  
& sub-

<sup>a</sup> Psal. 44. <sup>b</sup> Basili. & Hieron.

& subtilius ingrātam facit machinam inferioris hominis: quæ tamen proprij spiritus soleitas, & ad actus trans-euntes diuinæ bene-afficiențæ carentia, humillima submissione ad ordinationem diuinam, & quæ indifferenti, & contenta voluntate, ac ipsa amicabilis Dei vno, degustari, ac tolerari debet, non tantum dum medium statutus vunionis percurritur, sed etiam dum in summo spiritus divinis vunionibus dignatur, ea enim natura est fruitionis totius status vunionis, ut tam diu calorem, & lumen recipiat, quamdiu primo, & summo Bono, in Nunc præsentí, & instanti per vunionis vinculum adiungitur: ilicò proprijs ponderibus, tanquam proprijs malis perfusa, quando illa disparuerint: sicuti luna ipso facto, quo soli non opponitur, corporis proprij tenebras, & quasdam pæssiones recipit: ita ut vel idèò etiam pia anima, nondum eo quo gliscit animus particuliari ordine, amorem intra se prosequi valeat, prout magis articulatè constabit ex sequentibus;

Dum mysticus lumine diuino perfunditur,  
animum concipit noui, & supernaturalis modi operandi.

## ARTICVLVS SECUNDVS.

**I**N hoc cognoscimus, quia in eo manemus, & ipse in nobis; quoniam ipse de spiritu suo a dedit nobis. Ac si diceret; ô pia anima, licet eo tempore quo in initio status vunionis verlabaris, per suscep-

nem gratiæ supernaturalis in Deo maneres; hoc ipsum tamen adhuc non poteras agnoscere, cum vsus illius gratiæ nondum cōcederetur, prius enim cum sit quod animale est, non quod spiritalē; oportuit primò ab odore, & reliqujs perpeſsa angustiæ expediri, iam verò cum naturæ diuinæ communio nem in teipsa animaduertas; verè cognoscis, quod ipse in te, & tu in ipso sis; quoniam de spiritu suo tibi dedisse, in teipsa sentis, ac gaudes, animumq; concipis, ad nouam & realem illam diuinam familiaritatem quam toto tempore priuationis durante, tot amoris paſſiōibus in clamasti, ac esuriendo, ac sitiendo gemitiibus inenarrabilibus desiderasti; iuxta illud, die b noctuque astu vrebar & gelu, fugiebatque somnus ob oculis meis.

Recordaberis ergò, ô pia anima cūcti itineris, per quod adduxit te Dominus Deus tuus per desertum illud interni horroris, & vastæ solitudinis, ut affligeret te, atque tentaret, & nota fierent, quæ in tuo animo versabantur; utrum scil. custodires mandata illius, an non. utque recognites in corde tuo, quia sicut erudit filium suum homo, sic Dominus Deus tuus erudit te, ut ambules in vijs eius, & timeas eum. Dominus enim Deus tuus introducit te in terram bonam, terram riuorum, aquarumque, & fontium: in cuius campis, & montibus erumpunt fluiorum abyssi. ita ut imposterū per spiritum S. suum, de quo ipse dedit tibi, in ipso sic ma-

Dd 3

neas,

a. Ioan. 4. b Gen. 31. Dent. 6. 8.

neas, ut etiam simul cognoscas, quæ à corpore sustinuerit omne malum, Deo donata sunt tibi; siue sursum, siue deorsum, siue dextrorum, siue sinistrorum, siue antrorum, siue retrorsum impetus spiritus direxerit: eo tamē moderamine, ut paulatim in lumine diuino, & calore spiritus (quem gratia diuina in ipsa animæ essentia residens per prius in voluntatem sufflaminat) perficiaris, & ad superiora ascendas; ac etiam, ut ad soleitatem proprij spiritus, seu ad illam diuinæ vñionis carentiam; (quæ subinde tam nudam, ac solitariam animam constituit, ac si de Deo, eiusque amicissima vñione nil vñquam perceperis) frequens toto statu vñionis fiat relapsus: & his quidem conditionibus concomitantibus, postquam te afflit, & probauit, ad extremum misertus est tui. ne scilicet dices in corde tuo, fortitudine mea, & robur manus meæ, hæc omnia mihi præstiterunt; sed recorderis Domini Dei tui, quod ipse vires tibi præbuerit, quodque modus ille supernaturaliter operandi, à sola gratia Dei dependeat, omnibusque illa à Deo non dignatis, inaccessibilis sit; quounque licet ingenij acumine, aut scientiæ genere, sint instructi.

Et certè quando pia anima nouam, & vitalem speciem vñitiui amoris receperit, hinc quidem præ gaudio in lachrymas resoluitur; & lætatur pro diebus quibus Deus illam humiliauit, & annis, quibus vedit mala: illinc autem sibiipsi indignatur, quod tempore priuationis non magis patienti corde, &

a Psal. 118.

quod sibi Dominus sua absentia, & passionum inordinatarum rictibus intulerat; dignumque censem, ut nemo ad tam vicinam cum Deo vñionem admittatur, qui non prius transiens per ignem, & aquam huiuscmodi purgationum, ad purum exercitus fuerit. Iam verò loco præambuli, & perfecte dispositionis omnibus gratijs in Dei laudem repositis, ad aëtus exercitium, ilicet ipsum bené in Deo affici iucunda cogitatione assume, illustra, & renouanda fave, refoue, & pro actuali vñione retine, quam verò moderato progressu diuinum lumen accrescat, magis eluet ex sequentibus.

*Quantò amplius mysticus ascendit, tantò facilius aduertit actiuitatem proprij spiritus.*

### ARTICVLVS TERTIVS.

**O**s meum aperui, & attraxi spiritum. Ac si diceret, ô pia anima, sicut ille quem coarctat spiritus vteri sui, non in cubiculo inclusus; sed foras ad liberum aërem se confert, & ibidem os suum aperit; vt aërem, & halitum attrahat, imo ipsa altiora loca concedit, vt plenis buccis respiret, & arctitudinem intrinsecam, ad spatiotissimam cœli amplitudinem prouocet; quo ita ceu à maximo pondere, alleuiari possit: ita quoque agas oportet cum gusto diuino, quem quasi in fundo, seu corde vñunque arcto, & ponderoso absconditum geres, non enim in hoc fundo

fundo tali quali in hæsione concludi debes, cum non amplius per modum fundi, sed per modum spiritus, & eleuationis procedendum sit. & ideo etiam gustum spiritus, quem Deus tibi dedit, non tam in fundo, & corde, quam in secretissimo spiritus; & prout spiritualissimè voluntatem inibi latibulum suum posuisse animaduertes, & secundum tenuem illam diuinæ naturæ perceptionem, pro ut modo in spiritu contingit, absque crassâ illa, seu inclusa fundi operatione, sicut in statu priuationis, aut etiam in alijs a præcedentibus fieri solebat, accipi debebit.

Aperi ergò os tuum, ô pia anima, & capacitatem spiritus ad superiora erige; ut ibi spiritum, & vitam haurias, idque tantò amplius, quantò magis te in spirituali regione ascendere animaduertis. cum enim quotidie gratia vita æterna in animæ essentia residens, per prius in voluntatem, seu vitalem Dei gustum diffundatur; necessariò ipse intellectus, ex abundantiori beneficentia voluntatis, activatur amplius: ita ut species mysticas ad actualis amoris vniōnem, eiusque continuationem facillimè possit exprimere, & ad superiora spiritu, vita, & habitacione eleuari, liberoque, & ab inferiori pondere soluto spiritu magis, magisque in superioribus dilatari. non tamen ita fixè; quin ad soleitatem proprij spiritus, seu nîl actualis amicabilitatis habere; licet non ad crassam fundi captiuitatem, subinde dilabatur.

quam variè autem, & actuosè spiritus, & illustretur, & instantaneè operetur, iam consequenter dicendum erit;

*Instantanea operatio spiritus attutatur ex vario luminoso yisu.*

## ARTICVLIS QUARTVS.

**V**Idia cœlum nouum. & terram nouam. primum enim cœlum, & prima terra abiit, & mare iam non est. Ac si diceret, ô pia anima, eo ipso quo libero, & soluto spiritu ad superiora ascendisti, ut ibi tanquam in sphæra propria cœlestes illas regiones, ac mentales situs perlustrares; nouum quoddam cœlum spiritualis solatij, & fruitionis inuenisti: & terram nouam, seu realem in spiritu bene-afficientiam, longè distantem à prima terra, & fundo crasso, quo in corde tædioso conclusa, per noctes quærebæs dilectum. rectè ergò dicitur primum abiisse cœlum, quando scilicet in initio vniōnis versabaris, & modicum luminis, quod sat difficulter etiam suscepiebas, ac pôderosam terram fundi tui adhuc sustinebas. quæ quidem terra etiam abiit, cum ex nunc incipias videre inferiorem hominem non nihil sub regione spiritus constitutum, & quasi aliud à te, (secundum quod in spiritu viuere te sentis) distinctū; quodque ut improportionatum inferius, & tanquam tertium aliquod relinqui debeat. vnde etiam dicitur, mare iam non

a. Partis. b. Apost. 21.

nos est; quia nimirum inquietudo illa contristans, tanquam impossibile foret ab illa derelictione liberari, aut te tua non rectè agere, aut diuina vnione te indignam esse, iam non est; imò contrarium bene-affici, & secundum spiritum Deo viuaciter vniri, omniaem priorem miseriā sustulit.

Tu ergò, ô pia anima, vide cœlum nouum, in eo quod vario luminoso visu, nunc sursum, nunc deorsum, sinistrorum, vel dextrorum, antrorum, vel retrosum, actiuitate proprij spiritus feraris; & terram nouam essentialis illius complacentiæ videoas, quam etiam quieta voluntatis commotione, in diuinæ vnionis communionem diffundi aduertis, cum autem admiratio, quæ hoc loco ex magna actiuitate spiritus prouenire solet, cogitando videlicet yndè tanta tamque varia pulchritudo resplendeat, varijs dubijs inquietet; scias velim ô pia anima, varios luminosos visus, qui hic erumpere consueuerunt, consortij diuinæ naturæ quosdam interpretes esse; ac quasdam particulas; quæ intellectui, id quod summè spirituale, & indicibile in ipsis est, inferiori quodam modo vestigia sua impri- munt, & ad operationes facilius exprimendas, continuandasque se di- mittunt, ac loco phantasiaz, sacras quasdam imagines, intimasque diuini pulchri similitudines adferunt; quod ad actus exercitium commodissimum est, cum enim nostra operatio intel-

lectualis à sensu, & à magis sibi notis incipiat, & hoc loco pia anima non tam passiuè, quam actiue ascensio- nes cordis sui semper eleuet, habet hos varios luminosos visus, seu specula per pulchra loco sensuum, ut ex illis fœcunditas intellectus, com- modè species proportionatas elicere, & bonum cognitum amplius exten- dere possit, viuatque erigente, & supra inferiora dominante aspectu, quam porrò hæc omnia per maiorem semper radicationem in charitate depurentur, & magis superioribus coniungantur, modo consequen- ter dicetur,

*Fruitio vitaliter afficiens semper ma-  
gis elevatur usque ad spiritum  
diuinum.*

#### ARTICVLVS QVINTVS.

**M**Emoriam a abundantia suavitatis tua erubebunt. Ac si diceret; ô pia anima, sicut ruetus ex imis visceribus stomachi, commotione quadam ad superiora ascendit, & per os in ventum, & aërem diffunditur ita quoque vitale illud in vnione diuina be- ne-affici, ex intimo voluntatis, ad su- periores regiones spiritus, & mentales situs continuo ascendit, spiritus proprijs actiuitatem magis subtilizat, & ad spiritum diuinum appro- ximare facit; idque per memo- riā abundantia suavitatis diuinæ, quæ

a Psal. 144.

quæ propter continuum incrementum spiritus in salutare Dei exultare facit. & cum memoria rei præteritæ, rem faciat esse præsentem, pia anima moneatur, vt quando actualis vnio diuina non adest, & anima ad soleitatem propriam labitur; ita vt tristè affici in seipso sensit (ob actualis vniōis carentiam) non ideo turbari debere; quandoquidem status vniōis ea sit conditio, vt frequenter actualis vnio interrumpatur, & anima solitariè, ac si nil vñquam hominum experta fuisse, seipso sustinere debeat. & ideo memoriam abundantiam suavitatis eructabunt, id est, nondum tibi extoto, ô pia anima, propria est illa diuini spiritus affluentia; sed cum abest; quasi desiderio memoriæ renouatur, & reactiuatur in abundantiam suavitatis, & noui actus ynitui.

Tam diu ergo pia anima hic eructat, & eructando eleuatur, quoadvsque spiritui diuino magis vicina fiat, quod tunc erit, quando tria quædam in se distincta aduertit: primò quidem, quod inferiorem hominem videat infra subse stare. secundò verò in spirituali parte, seu in viuacitate affectiua, & intellectiua in superioribus regionibus iam se versari. tertiò autem proximè supra se adhuc superesse spiritum diuinum, seu amicabilissimam illam regionem, quæ diuinitatis odore plenè referta, vberiori, & subtiliori coniunctione, futura proponere videtur. & tum ad ea quæ sequenti paraphrasi, de vniōne spiritus diuini in summo deducuntur; transendum erit.

## ET TERTIO

## DE IIS QVÆ FIVNT IN SUMMO PER VNIIONEM DIVINI.

## PARAPHRASIS OCTAVA.

**H**Æc dicit Dominus, cum dederο a spiritum meum in vobis, & vixeritis: & requiescere vos faciam super humum vestram: scietis quia ego Dominus locutus sum, & feci. ac si diceret: quamuis maxima sit felicitas, à Deo spiritum, & vitam recipere, & bonis diuinis proprio spiritui congruis perfrui; cum tamen ipse Deus dederit spiritum suum in vobis, & ex eo vixeritis, vt plus de vita Dei, quam

Ee de pro-

a Ezech 37.